

花
宜
館
詩
鈔

花宜館詩鈔卷之五

錢塘吳振棫宜甫

古今體詩七十三首

起丁亥春暮
盡己丑冬

常州懷劉禮部

逢祿

進棹西蠡河
掩靄林塘春之子
未得歸栖栖京洛
塵高齋著書暇
思滿汀洲蘋

京口

西望西津晚欲晴
戴公山下聽殘鶯
雞鳴日出峭帆去
坐看金焦雙眼明

渡江作歌示程容伯

恭壽

比部

君不見海門狂颶帆檣送屬國強酋資遠控北府雄兵
古所聞可是城堅如鐵甕又不見揚州大郡今甚貧名
園強牛委荆榛癡兒騃女不解事踏歌依舊嬉青春江
流滾滾向東去千古興亡事無數江南江北花亂飛正
是行人愁絕處銷愁之物惟酒杯君不解飲顏難開不
如蒙頭企腳竟高臥華胥境界聊徘徊世間萬事何有
哉拍肩挹袖狎仙侶萬花照海無纖埃

滕縣

微子山前湖水新小舟筇筍往來頻南風四月過滕縣

只有楊花白似銀

滕縣花開白似銀李長蘅句漁洋山人嘗稱之

馮驩詠

田文客旣散，獨有馮驩留。
約車西入秦，再相賴良謀。
吁嗟乎幸舍，彈劍昔苦辛。
主恩不異三，千人

嶧山

莫問秦碑北，魏餘羨門高。
誓事何如登山方，見羊車盛
又見車中載鮑魚。

東平道中

蠶尾山光在天際，尙書老眼向山青。
欲知縹緲詩中境，落日微風小洞庭。

東阿陳思王墓

不聞魚山梵但見魚山青一唱豆萁詠千秋猶涕零荒
塋閉蒼蘚古木掛寒星八斗誇詞賦空教感洛靈

聞琵琶偶成

古人傳一技高手亦崢嶸後世誰知者嘈嘈皆此聲纏
頭紅錦豔流笑玉觴傾寄語囊琴客無傷寂寞情

河間道中

雞燈膏吾車夜行不計里微聞村樹間膈膊雞聲起晨
光露熹微云近毛精壘緬維古賢王被服瞻芳軌客館
二十餘從遊多儒士朝廷頗猜嫌縱酒畢生理至今風
沙中平田雜荆杞何處詩經村殘磚誌君子

至京師與王講泉

涼

蘭卿

丙

果山

溯

海珊

景

瀛小

飲

宣武坊南路重逢閱歲年生衣花下酒深巷雨中蟬京
國交遊盛君家兄弟賢侯鯖吾未羨情話足留連

十刹海

積水通城野芰香門前高樹得微涼人隨斷磬尋僧寺
鴉帶斜暉入苑牆獨客每邀花作伴清時羞倚酒爲狂
昨來百尺樓頭坐多少青山接太行

黃垂垂

開園育麟乃孽封狼彎弧彈梟恐驚鳳凰高車丹轂不

石室金言 卷五
避驄馬正晝攬金醉獵城下道路避面行不敢問姓名
行人但說好威儀腰下大帶黃垂垂

七月十五至濟南作

華山雒山相向青七十二泉秋泠泠清光已滿海東月
遠色忽開湖上亭今我來思莽懷古昔賢老去重傳經
邦人未遣風流沫魯頌齊韶取次聽

弔鐵忠定公

城頭牌拒賊攻賊去不攻扼山東城下板擊賊死賊幸
不死作天子發難誰嗟豎儒命將誰嗟庸奴當時公儻
握兵柄倚之角之平與盛高皇威靈在八極伐叛何憂

北兵勁燕來燕來
啄皇孫大事去矣
金川門中朝名士
太草草偷生忍恥
承新恩噫吁嘻鼎
中油沸氣何厲死
臣乃不畏生帝

同王翰屏太守遊千佛山

千仞極天淨岱陰
青莽蒼嶺霞連海
色城樹罨湖光石
經苔花小泉分茗
葉香登高聊寄興
未用待重陽

王文貞公墓

尙書踐台斗方雅
有操行綺歲噪詩
名賢豪徧投贈主
盟五十年著籍炫
觀聽靡然胥從遊
標榜名太盛後人
多謗傷門戶滋朋
競或云無病呻才
薄力未勁或云清

瘦生愛好乃其病大哉我

純皇追謚褒雅正權衡得其平一語定於

聖我來格孫城阡隧冷雲凝似聞系南村帶經袁子姓
石帆無故亭書庫已荒徑大雅嗣音希壇坫孰司柄下
馬讀穹碑風流千載映

長山道中

東望青無際山光如此長雁羣爭遠勢馬力健新涼菜

圃秋除蝗仄村翁曉賣漿昔人憂樂意何處問書堂山中

有范文正公讀書堂

中秋招遠道中感懷先兄曼雲

先兄嘗爲招遠令

弭棹姑孰溪清宵對牀語當時牛渚月正似彭城雨

西子

壽省視先兄俯仰十年餘垂膺涕如縷視壽人不如遺

墨空千古先兄所著詩詞今來山中村留犢曾茲土父

老識姓名美政尙能舉誰尋峴首碑已斷桓山羽淒淒

復淒淒清輝月三五

登州

北接遼關路南通閩粵天魚鹽開島市雞犬臥樓船

戰艦

泊水城外歲時修造循舊制而已疆域大無外邦人今有年猶聞防海

日處處夕烽傳

莫詫元虛賦傳聞未盡訛乘潮秋蟹獮出網異魚多賈

泊過如豆神山浸似螺誰能哀老子遊眺日婆娑

登州郡齋

風色人家綰羽偏鱗鱗瓦屋罨炊烟

城中多瓦屋喜樹相風竿

公庭

頗喜鞭笞少瘠郡尤蒙盜賊憐

山東多劇盜登濱海而瘠少劫掠之患故用元

道州語意近海汲泉茶味損退衙散策蘚紋圓閒中漫說無

經濟灌圃能長草木年

蓬萊閣

碧海迴瀾島嶼重巍然高閣倚城東巨鼇曉曝三山日
獨鶴秋乘萬里風豈有神仙憑采藥我於天地亦飛蓬
秦皇漢武知何處坐看浮雲沒太空

今年

今年爭說雨暘調，
荊棘家家物產饒。
山意乍寒旋有雪，
海聲終夜不關潮。
揚波久息蛟鼉怒，
利運休嫌島嶼遙。
時有明年再行海，
運之說旣而不果。
堆案百重粗了卻，
試沽南酒泛金舟。
俗呼越酒爲南酒，
海船攜來亦有佳者。

蘇文忠公祠 在蓬萊閣後

東坡因謫宦再起，
蓋自茲先帝歎奇才。
實受宣仁知玉堂，
紫微間兩宮。
渥恩私事去復淪，
落瓊儋最孤羈。
進退繫衰盛，
一身焉足悲。
今來謁公像，
高閣滄瀛湄。
五日遽命駕，
遺民猶慕思。
杭湖若徐顙，
何況久設施。
忠義貫日

月文章沁肝脾富貴自不朽春夢休見嗤可憐章蔡輩
鉤黨恣姦欺似恐名不彰已榜更刊碑

至登州七十有三日調官沂州作

當官如讀書要欲窮端委倉猝廢所業何能析精理古
來重循良仕宦久鄉里慮事洞觀火布令下流水人情
久相習親愛若父子我來七十日受替將去此問我官
中事盲者以簪揣人生霜後蓬飄轉靡有止飽看三神
山於意亦足喜不見眉山翁登州五日耳

海市蓋氣之所爲四五月以往海氣蒸鬱則多有
之余九月至登十一月去座客有以未見爲憾

者上慚蘇公不敢禱也姑爲是詩以解客之惑
海市之奇世無有僻郡欣然來作守要須放眼恣奇觀
何事寶山歎空手朔風吹盡東海塵碧環碾出光清新
龍蜃瑟縮避旗仗不敢吐氣來驚人何曾變滅出霜曉
但許彷彿聞居民君不見白日慘澹懸樽桑海底陰火
寒無光嵐蒸霧鬱快一掃大地之氣歸於藏神曰正直
曷可禱豈以遊戲愆陰陽若云此時見此更奇絕何異
臘月聞雷三月雪

食海魚作詩寄春木松江

異魚百丈高如邱雖有網罟不敢求漁師所獻僅瑣細

厥狀亦匪常鱗倖市頭壓擔鯉風逼魚字魚名都不識
巨目光搖陰燄紅獷質涎蒸鹵氣黑一蓋團團覆如釜
八帶蠕蠕亂似織嬌兒放箸苦欲歐老婦攢眉不能食
可憐饑守取一飽卻恨村醪薄無力憶昔買酒湖上遊
魚肥酒冽香滿喉落在亂打青羔裘手招明月來船頭
我辭西湖入東海君亦歸臥松江秋江波繞門秋更綠
弟兄對酌鱸羹熟時建木亦在家秋風儻許季鷹歸分我漁磯
一竿竹

萊石花鳥屏風歌

萊州屏風刻石成買置寒廳高五尺客來乍見雙眼驚

彩霧雕雲生素壁上有雜樹交繁英跼萼凹凸花不平
其下渚蒲敲雪羽爭啄鳬茈翠芽吐蒲萄交幹亂纏蔓
梧桐布葉細垂乳畫工畫物惟取神以石作畫能逼真
不著死氣取生態盡意刻畫林塘春餉遺豪貴走千里
重之不啻玕琪珣一朝失意誤擊觸殘屑罪罪如鋸木
斧斤已喪渾沌真藻績徒悅兒童目頑姿自合山中老
被寵邀憐轉非福良玉九德何瓌奇入火三日堅不移
有時投泥雜瓦礫山川精氣虹貫之方知萬物貴本質
文采照耀空爾爲

自登移沂

地望東西絕

俗稱登萊青爲東府充沂曹爲西府

光陰冷暖催莫嫌千里

適卻值一陽回

至沂在十一月

木落人烟遠雲高海色開喜聞

鄉路近旦夕板輿來

沂于山東爲極南方奉迎程太恭人尙未至

初至沂州

慚吾非老手劇郡豈所便量移拜

玉詔裏糧敢遷延高城直大野風物亦清妍如何剽悍

俗習慣若性然牛犢紛佩帶赤丸驚市鄺牽鹽奪官引

盜鑄布姦錢蒼鷹與乳虎毛摯豈足賢水懦古所戒安

能恥蒲鞭何時晉盜奔庶幾武城弦獄市慎勿擾我憂

心惓惓

少年子

短刀掣冷芒長刀閃腥風殺人都市間劫客平陵東咄
嗟少年子意態殊豪雄一朝捉入官敲扑肌骨空叩頭
句緩死王章固難容爾悔亦既晚我憂無終窮罔民古
所責何以謝愚蒙

麥賤

春前憂雪少春後憂雨遲雪少麥根淺雨遲麥苗萎今
年麥大熟雨雪無愆期豈曰耒耜力天心憫窮黎腰鎌
弗敢後露積多如茨重羅白勝雪連展甘若飴貧家得
飽啖婦子聚而嬉鄰翁起太息太息前致詞年運有往

復豐歉有轉移官倉鮮實貯貯者或成灰旱潦一不登
賑贍無所施世無慮與扁有疾當自治吾儕謀蓋藏甕
盎皆可資務禁豐歲奢稍療凶年饑不見三年前食盡
槐榆皮

蒙陰

三月欲盡語鶉鴂竹外小桃紅似血山城雨歇焙新芽
漫與青神門奇絕一甌日落坐春風突兀仰見東蒙峯
何時自効解官去卻佩含景蒼精龍

公家城懷公文介

策馬平沙迴啼鴉暮樹昏千峯皆對戶一姓自成村介

節中人忌微吟大雅論平生笑慕擬未屑傍人門

泰安道中見進香者口占三首

乍看日觀曉光催卻過天門嶺勢開簫鼓龍亭雲五色

萬人爭看御香來

京師筆帖式送香供至省復檄委丞倅齋送上山

村姬村翁禱祝私錢輸黎棗作檀施道人不管人間事

但盼官來埽殿時

嶽廟正殿皆肩以鐵爲柵進香者以金錢投殿內香事既畢羽流開殿檢

括給一歲之用地方守令監視稽核歲以爲常謂之埽殿

入山出山山徑斜千輪軋軋羊頭車洗山雨過見春色

開廟之前得雨名曰洗山雨

鬧殺村姑壓鬢花

送陳蓮史同年

繼昌

歸桂林

蓮史爲文恭公後

北風吹客裳片席下湖湘嶺路侵殘臘猿聲近故鄉經
營先宰樹情話戀茅堂相國遺書在毋忘炳燭光

扁鵲墓

苦語莊言不見收古今豈獨一桓侯後人解博朝廷寵
靈藥爭從海上求

垣一方人視見之名聞天下數偏奇自憐療妒無方法
不向長安怨李醯

釣突泉

老龍衙衙地下起左右俠以兩龍子道人制龍龍怒驚
霹靂倒飛成吼聲作勢騰空失勢落敗鱗碎擲秋烟輕

客來見首不見尾尾不可掣入海底奇光在眼寒在膚
伸手欲攬千明珠道人烹泉架石鼎鼎中龍吟客初醒
何處輕舟泊殘楊綠不深波光依枕上雲影沒湖心名
士知多少空亭自古今清宵有鄉夢彷彿聽挈音

曉泛明湖至匯泉寺

星落維始號攜舟泛湖曲水禽嬾於人猶抱冷雲宿風
細蒲亂鳴露重花新沐沿綠得精藍放梵隔叢竹野僧
龐須眉疏散具冠服過頭杖影長泛乳茶味熟導客坐
虛寮晨光散林木熠爛東方霞湖水不能緣

花宜館詩鈔

卷五

士

種竹

鄰園諧價刷新竿客土移根翠未殘
得地頓教生意滿成陰要與後人看
美材並世求須亟直節當風護最難
莫遣客嘲饒太守只知咒筍佐盤餐

王蕉園都轉

定柱

招集也可園聽歌感賦

先公會此遊蹤寄花竹相逢倍有情
冠蓋幸陪無事飲管絃翻憶舊時聲
尊前殘月銜山近堂下春泉濺雪輕
名士濟南零落盡更誰聞笛感淒清
阿雨窗先生官山東運使時先大夫在幕中時也可園初落成與沈芷生黃小薌桂未谷家秋鶴竹虛諸先生相倡和而嵯署有自演樂部賭酒徵歌極一時之盛

迎謁中丞至黃山店歸憩趵突泉道院有作

入山非爲看山遊側耳前車唱入騶小吏謂余宜束帶
道人留客共持甌棗花隔院香能到蘚石沈波字尙留
水鳥不驚塵不浣世間原自有清流

夜行長清道中午飯張夏舒自庵明府

化民

來以

酒食餉

百折青巖路鞭絲逐暗塵車燈出遙樹村櫟護行人倦
跡吾聊憩迂談客不瞋當官如酒味難得是清醕

北渚

日暮行吟北渚前宦情歸思兩茫然扁舟涼雨蕭蕭髮

又爲荷花住一年

雜詩五首

萬物各有天任天庶無憂
夙聞九州外曠蕩良可遊
鐘鼓饗鵷鵠文繡被犧牛
豈不極榮侈固非心所求
北風吹黃沙蕭條古城下
昔人路歧泣傷心何爲者
繁霜日以降草木已變衰
處堂羞燕雀遠邁良所期
君車可以駕君馬可以馳
君心無人識出門將安之

肥馬飽玉禾瘦馬齧枯草
肥馬肉自多瘦馬骨骼好
肉多令人喜錦韉誇繡藻
旗門笳鼓喧一蹶不自保
回看病乘黃泥塗送衰老
平生千里志相知恨不早
手把白

玉鞭惆悵橫門道

魏魯赤堇山精金產其幽大冶不自巧心乃與天謀雷
霆殷鞞扇爛爛白虹流屈伸稟龍性至剛始能柔華堂
饗嘉賓拂拭當高秋一使姦佞寒復見烟塵收丈夫自
有懷細碎安足雠

雕俎陳四筵寶燈張九微吳妖曳香屨越豔舞春衣八
音何繁會宛宛梁塵飛微聞有歎喟靜女在中闈仰慚
素業殊俯懼衆情違君子方宴樂默默抱琴歸

泉上

城東多名泉雨漲日夜聲鏜鞳金鼓作清激環珮鳴偶

來泉上坐移我江湖情願洗胷中塵莫濯頭上纓濯纓
垢易盡洗心塵易生仰見浮雲去皓月亦以盈曠蕩六
合間皜然還大清

潭西精舍

出城無百步荒寂似空山樹色破窗上蟲聲落葉間不
飛雲太嬾長餓衲仍閒泉味清如許茶甌未可慳

古寺倚高柳空潭落晚荷近遊閒日少老輩好詩多

謂沈

芷生黃小或有殘碑在應無俗客過久留潭不厭竹石

蕭諸先生
細摩挲

北極閣看城南諸山

山如高士不入城搔首踟躕那能見是誰有意善招致
到此都教現真面錦屏高張盡百里畫筆濃皴有千變
秋風落木定紛紛遠色含烟尙蔥蒨青羊道人去已久
舊有李道士居此工彈琴石上經年冷琴薦不然一彈衆山響頓令
世上箏琶賤今來延仁苦寂寥閣外斜陽語歸燕興闌
卻上匯波樓更看樂水明如練

離山

香火荒祠鐘鼓催奇方肘後已成灰滿山藥草無人識
空向春風綠一回

華不注

孤秀鬱千尺羣山不相從奇絕無可言但言青芙蓉車
從齊河來十里見顏色天然謝公詩何曾事雕飾

雒華橋三首

湖水平橋綠似苔臨湖小店幾家開可憐瘦馬識人意
只揀綠楊深處來

小坐何妨藉石苔閒遊更促酒船開西風容易催秋老
不爲荷花也合來

淙淙急雨破蒼苔濫濫晴光夕照開水面羣飛忽驚散
白鷗應怪長官來

與沈台簪

淮

飲歷下亭看荷花

蓬萊宮殿吾不知六月無暑無逾斯高亭颯爽出水面
俯看艇子來逶遲新荷豔豔朱粉施漢皋洛浦紛仙姿
風裳水佩不自持肯來從我相娛嬉江南採蓮不須唱
對酒但宜歌楚詞人生良會不可期莫待嫋嫋西風吹
李邕杜甫頗解事我輩正可相追隨勸君痛吸黃頗黎
看我倒著白接離世上紛紛內熱子夏畦自病無乃癡
明月欲出涼滿衣誰能買此價不貲何須弱水三萬里
覓取雪散冰丸爲

送表兄程方舟

瀛

之京師

躍馬從我東欲閱海中市旁人識弟兄壽骨同貫耳今

日胡北轅風雨不肯止自憐范綈寒將博毛檄喜當時

席帽客豪蕩六七子

君及譜香鴻治諸君與余同應癸酉京兆試

健筆飛掣

鷹密字門酣蟻出手竟得盧謬言自隗始今我迷簿領而子將老矣餓驂誰落毛干祿非得已枳棘亦可棲河清固難俟

暇日出遊雜成八首

園池休問博陵君一片青山帶夕曛月倚風淪誰解道至今人憶尹參軍

高閣凌煙付劫灰故鄉廟貌尙崔嵬何當覓取曹韓手

更遣三花畫忽雷

五龍潭側有胡公秦叔寶祠

二十四泉泉水肥繞城行藥雨沒微不知遺跡今餘幾
水記空傳李格非

兩寺東西一巷開舜泉汙漚濂蒼苔厯山記在河東縣
誰賦英皇汲井來

明璫翠羽感微吟秋水芙蓉瘦不禁憑仗碧筩能追暑
風流真憶使君林

名士軒頭蹟已荒遺祠猶傍水雲鄉南豐文字匡劉亞

寂寞人間一瓣香

湖上有會
子固祠

滄溟氣壓鳳麟洲空自名高白雪樓流水孤村斜照外
啼鳥聲散鮑山秋

湖上微波夕有煙幾行秋柳思纏綿
漫誇黃竹青荷句
慘綠當時尙少年

花宜館詩鈔卷之五終

花宜館詩鈔卷之六

錢塘吳振棫宜甫

古今體詩七十二首

起庚寅秋
盡辛卯冬

吳越小樂府

八百里

黃巢來二十人皆突戰才黃巢去八百里驚屯兵處婆
留王王獲生嫗給盜王功成英雄自昔天所賦生之成
之乃在婆與嫗

使宅魚

使宅魚供使宅牡丹鮮紅宴嘉客美哉江東詩夙弊一

朝革愛民事事盡如此麀鹿叫號知免矣君不見江南
魚食楊花肥楊花怕稅不敢飛

射潮箭

靈濤來大江潞後者文前者伍王築城奠民宇告龍王
及水府神祐民忍爭土告成功鐵幢浦惟王天挺忠且
武千精百鬼莫敢侮豈在區區五百弩

青絹帳

紫羅帳美孟氏青絹帳美錢氏吳綾與越綾不惜貢天
子春衣與冬衣不惜賜將士獨惜寢帳敝不更王性好
儉非好名王惜一絹妃惜百縑妃亦好儉王意忼乃以

衣錦軍而曰樹衣錦吁嗟乎誣已甚

不睡龍

四龍出湖飛兩龍負船走異哉龍瑞時時有豈知身是
海龍君五臺王子徵異聞龍衣不著恥自帝斗牛王氣
何氤氲君不見宮中警枕不甘寢民不知兵得安枕

掬江沙

官浙東圖浙西西陵上喧鼓聲掬沙禱師克濟星與月
不敢霽富陽擊漁浦攻九十三所屯兵空一朝身入會
稽市何如且作廉察使金刀讖贈刀逃奈何終汙錢公
刀

逐白兔

玉兔上金牀日上生日識在昌天符夜降朱書光欲作
越帝羞越王貽書不見聽塗炭陷百姓再拜迎恩門豈
忘董氏恩猴逐兔死死以狡年月日時空用卯

功臣堂

十三都五百人堂下樂石刊堂上旨酒陳

武肅有功臣堂置酒詩

小由基今晏嬰起自草澤中攀附成功名一朝功臣堂

化爲禮賢宅以功臣始功臣終臣主新朝拜恩澤

唐天祐封

武肅定亂安國功臣宋雍熙封忠懿
南海鎮國崇文耀武宣德守道功臣

玉羊生

錢郎錢郎厥兆玉羊玉羊佛所賜置之虎口虎不敢噬
生子如此亦足矣楊家之子狔犬耳君不見軍中望氣
敵氣沮錢郎非羊乃龍虎

鸞手畫

孔目咎魯封恥文星沈仁璧死握髮殿中果如此胡爲
圖貌求奇士吾聞黃晟貌陋稱良臣羅隱貌寢稱才人
王之相士豈皮相浪傳畫面光如銀

陌上花

陌上花花開弄春色春歸人未歸相憐復相憶相憐相
憶思縣縣百花亭外花如烟一年花落春無跡百年人

往思遺澤傷心重唱木蘭花舊時宮女頭都白

瓜戰宴

門前戟枝一十六帳底小兒坐銀鹿白驃鶴警恣清遊
七寶琵琶彈不足更將瓜戰追煩暑絕勝栽花與譜竹
後來納土意最深結交況有瓜子金不然臥榻旁豈有
鼾睡理不見高劉孟與李壓境兵強戰不止爾曹安得
戰瓜子

買鐙錢

中元鐙帝所賜薰風門外銀花熾上元鐙王所買東京
城裏繁星駭王家進奉糜金玉家道東鄰憂不足

識語東鄰

家道閭謂錢氏也忠懿入朝貢金九萬五千餘兩銀一百一十一萬二千餘兩犀玉他物稱是王曰不足亦已矣但願春生萬戶裏君不見趙家買鐙百姓愁錢家買鐙百姓喜

戚洗馬

人鏡

輓詞

君生四歲孤教育倚母氏科名拾地芥文采爛霞綺三天入侍書萬里出奉使夙夜承明廬素業益自砥長安逐聲華獨行直如矢尊聞僞學屏敦誼薄俗恥頗垂聖明眷不掛權貴齒擠排墮青冥

特詔蹶復起榮膺非所寶藉博白髮喜母存貧亦樂母歿哀以毀寒不曳裘裳飢不御甘旨

居母喪不衣裘執不食肉飲酒

喪已踰年痛若飯舍始南行奉丹旆毒暑入肌髓病依
一棺臥慘慘在湖涘城中便醫藥客勸泣不止相從九
原下君意豈如此君生爲端儒君死爲孝子生死固不
負吾道嗟已矣自昔生才難生復速之死嚴霜殺草木
蘭艾無殊視責報誠難言勸善將曷以結交二十年不
爲醴爲水紀實畧私款茹酸表遺軌他時采吾詩庶幾
補國史

偶成

養嬾真于世事疏評詩還造故人居百年心付浮雲外
幾卷書貪午睡餘揖客教兒知姓氏分糧課婢活禽魚

頗聞行樂無他術先遣胷中鄙吝除

吳貞女詩

吳貞女家皖桐字于姚曰仲蓉姚翁殂蓉繼亡女請易服往執喪衆人尼之心迴皇東豪門西貴裔聞賢聲覲納幣女知之絕食飲非死非生偃而寢父曰已矣汝勿惻余不汝強孰汝逼女聞蹶起搏顙謝問者感歎淚橫臆七年閉閨人不識惟有日月照見女顏色嘉慶歲戊寅十有二月月上旬素車御歸姚氏門上堂拜衰姑下堂撫孤兒姑今有孫夫有子得死亦足窮笑辭惟山崔崔下有玉女心視茲葆其璞我歌此詩風肅肅

九月十五日自集慶至靈隱

飛鷺驚層青咫尺覲殊麗涉深悅靈襟升崇展遐睇峰
嵐漬餘陰林暉表初霽澗光秋旣淨谷響夕彌厲寒藹
綴霜初委葉積煙際選勝馬蹄緩皈禪鳥心慧偶聞堯
童唱數共汲僧憩香界洵可耽俗閫歎多蔽何當從白
足豎拂發真諦

發光竹徑

日影不到地冷雲頭上生高篁奪山色亂澗合秋聲客
杖攜行健僧屨借著輕盤紆未云遠已覺別峰平

韜光菴

欲上更無路香臺勢迴殊聽經熟猿鳥倚枕見江湖樹
色拂天綠泉聲過雨粗不知看日出得似岱巔無

瑛寶毘光山水圖

夢禪老死不可見後來畫手空歎羨韜光卷子尤老蒼
筆細而勁如針芒清秋簾幙捲層嶂白晝雲霧生空堂
洪濤風偃萬木怒絕壁鳥去青天長山椒一菴負夕陽
若有齋磬聲琅琅忽然放眼向空濶墨痕盡處皆湖光
自言北歸作此畫寄與山僧壁間掛盡收意象入慘澹
翻就清空求痛快胸中冊載好邱壑吐在紙上生光怪
香臺留作法供養佛護神呵常不壞霜龕展卷看不足

不食言金
卷二
二
暝煙滃白前山麓歸徑摩挲萬椽竹顏色何如畫中綠

借秋閣晚憩

高閣何所有窈窕見蒼巒不知地勢迴翻苦日色寒鐘
竽殷秋壑驚泉遏雲端烟中指樵路石細修蛇盤高緣
荔雲翠小綴楓霞丹冥然有真意寂寞成清歡安得離
塵服被我支體安客來引杯勸客去援琴彈麋鹿從我
遊亦足久磐桓何爲縛行滕海岳詫奇觀

章次白

黼

張仲甫

應昌

汪小米

遠孫

同宿靈隱夜

半月出至冷泉亭分韻得坐字

幽懷惜清宵起掣寺門鎖適然松下來明月已先我高

蘿映烟動殘磬帶雲墮林明鵲驚啼石暝猿分坐空亭
面秋泉夜色洗塵埃風平鏡光定磴蹙練影簸空明變
萬態雲木含婀娜今歡愜所遭昔阻悔未果水月無盡
藏善取吾亦頌

松江道中

九峯青向我宛若故人招雨色斜衝雁沙痕暗漱潮帆
移渚花落琴罷海雲消卻夢城南埭寒波第幾橋時將訪姚建木於南埭

飲建木南埭草堂有懷春木大梁

堂上把卷開碧疏老蠹避人走入書北風吹雨寒微襦

兩膝著榻午及晡主人重戴從瘦奴酌酒煖客炭熾爐
自言歲惡田減租不釀但就村店沽門前船載四十鱸
玉花細斫霜後腴大兒恂恂能執壺小兒啞啞來挽鬚
一盞兩盞凍骨蘇三盞四盞醅顏朱十盞以後酒膽粗
大言不飲非吾徒百年電火一覲如明膏自煎無乃愚
故人致錢沽有餘醉吟短章爲客娛起聞鵝雁相叫呼
大梁北望生嗟吁夷門有監市有屠長者下士今有無
歲云暮矣歸來乎

重過塔射園

十六年前吟賞地清尊疏雨萬荷花祇今淦淦池波活

但見亭亭塔影斜
畫裏冰霜猶在篋

丁亥來此詩於畫
梅花爲贈今官京

師貧中親故易離家

春木在汴
子抑在蜀

白鷗不識曾遊客
定爲

星星鬢漸華

張丈查山

璿華

警芝圖記卷子

士夫處鄉閭何事足稱瑞
貧窮敦詩書婦孺習孝弟
烏馴鹿擾有繇致心知其然
不言異華亭張翁耄好學衛
道不肯逃楊莊礪礪直節松
並古善氣舒卷蘭同芳山中
丙舍召元感龍蛇騰蹕明芝
光是時星聚崔鄆堂門才極
盛徵殊祥豈知翁意殊不爾
不賀而警抉深旨草木尙足
動驚歎姓氏腐朽士所恥苟
有敗德瑞亦妖語

苦心良勗孫子我欲摹此圖上之於史官聖人在德不
在瑞自古粉飾貽憂患君不見元封黷武功芝生甘泉
宮建和任羣豎芝茁中黃府饑寒滿野救不得蘄州萬
本亦何補

陳眉公白石山莊

山莊何闕寂但見水雲寬亂樹支亭暝遙泉落枕寒勝
遊吾輩得真隱古來難獨有漁梁叟無言手一竿

遊細林山憩神隱道院

仄磴盤空瞰窅冥神龕終古祕精靈雲光向夕垂天紫
山色矜寒到海青閒嗜近遊僨素抱老收豪氣入丹經

松風滿地基聲靜只有眠階瘦鶴聽

飲張柳泉

允垂

抱獨軒

張松江人以杭州太守罷歸

清秋天氣促開尊襟上杭州舊酒痕

元微之句

歸飽蓴鱸良

不惡親栽松菊沉俱存樓藏遠籟風生浦船送寒潮客

到門醉向橫雲山外望白衣蒼狗豈須論

張丈遠春

興鏞

招飲塔射園有懷詩舫都下

短舫衝烟問舊遊主人鶴髮卧林邱文因經進鋒全斂

張嘗應召試

官不離儒跡易收

舊爲無爲州學官

寒雨雉茸催置酒

驚沙馬磧說防秋此時樞禁承

恩客帷帳重煩密運籌

詩舫直軍機處時復有西陲之役

茗溪

一夜吳霜罨曉晴
枯桑門徑朔風聲
紅菱綠菱都收了
展出溪光十里明

檀糕十六韻效俳體

芳餌堆蠻榼曾無故實稽
偶從鄰父饋未有昔人題
鳳卵初盈樹虬珠忽墜蹊
異名徵木李雋譽敵哀梨
綵縷斲纍貫筠籃處處攜
舊時充上藥新製出中閨
仙實爭炊鼎雲膚妙刮餽
碎按拋素核細漉仗春莢
凝豔團盈釜因方範作圭
層層紅切玉濕濕紫融泥
黏果攢花密雜綴煎酥捲葉齊
煎牛乳疑如薄葉捲
于中食之國語曰烏他
檀糕飢吞丹液

熟狂嗅蜜香迷輒勝飴膠齒涼催酒到臍品真高棗栗
形不類餽餽莫詫南荒種頻勞北使齎

以京師製者爲佳

解醒

微醺好醉眼豁迷暎

以文登石餉小米

昨向東搏把翠竿歸攜磊砢抵明玕座中錯料星光碎
袖裏平分海氣寒好乞昌蒲充法供且將薏苡釋疑端
夜光瓦礫何分別憑仗人間道眼看

薏苡夜光瓦礫皆見蘇詩

以文登石餉薌泉

蜀江多文石波底亂星質昔君釣灘去采掇定難盡平
生空有嗜發囊劇寒窘偶尋蟬蛸島海曲紆宦軫厥有

彈子洞萬石納虛牝風濤日淬厲外質剝頑蠢規其形
曰橢圓每慧珠準海童拾碎月赤足踏浪緊捆載壓騾
網示客一笑驟付之雪浪盆雲骨秀可吮石交豈能多
吾愛割能忍遣充東坡供聊以發歌引仙心闢蓬萊壯
采鬪龍蜃

積雨遣悶

老屋如牽舛上舟柳樊花援水爭流一天雨氣渾塗墨
二月春寒未典裘恐有龜魚巢曲突竟無鸞燕語高樓
幾番風信恁恁過白舫青簾負勝遊

但聞雷轂碾層霄邈遶雲光不肯銷門外經旬無客刺

雨中明日又花朝細看屋漏奇于字新漲溪流怒似潮
欲就田更問占候幾時晴色放春韶

過少海寓樓讀湖上後集因談西事本末

百尺樓高擁百城每聞客至下樓迎十年南畝歸無計
一卷西湖畫有聲退院閒身真解脫談兵熱淚尙縱橫
故人好約東萊彥泥飲同消峴鬱情呂月滄司馬璜賢
長官也盡與少海

同罷
職者

汪又村

廷孫

招集靜寄東軒詠嚴氏琴

明嚴樵子
名徵工琴

有松
弦閣琴譜

梅英飛落紅鴛鴦

庭中鴛鴦
梅盛開

主人飲客開草堂已聞雙

花宜館詩鈔

卷六

七

杖發銅鼓

是日擊銅鼓爲酒令

復進一琴橫錦囊明星十三炯秋

玉雨眼森然洗凡濁鴻梧斲就輕且清誰其有者嚴先生先生愛琴與琴老高閣長松翠橫埽松聲如水瀉秋絃鄭家南風無此好龍紋蛇跼漆光古背有殘銘字重補想其拂指含太虛一聲一法意良苦古人作事用全力俗工草草恥爲伍一物遂壽千秋名四庫惟收兩家譜

四庫全書收松風松絃兩譜

是日傳觀日正午儵忽虛堂走風雨

蛟龍欲下雷隆隆座客斂手不敢鼓鳳凰飛去鸞鳥瘖近來衆好多妖淫不傳精意傳虛器豈獨君家此一琴

江瑤柱

翠甲含沫雙柱圓白肪截玉弱不堅頗聞浙產勝閩產

春網出水初登筵試湯貴嫩鼎毋沸懼以水火傷其天

菌丁珂雪寫形似乃其美妙難言詮西施縮舌甘退讓

阿環畢竟肥而妍一名楊妃舌又海錯有名西施舌者絳羅襦中玉膚嫩

差足與爾爭芳鮮唐家搜訪未及此蚶螺蛤蠣徒紛然

唐時求海錯不及江瑤柱兩宮進奉魏王始臨安故事猶流傳宋皇

王以此獻兩宮時物進奉非常貢也後范石湖奏罷兩宮進奉使至今南京重此品下

箸不惜何曾錢我身久客乍言返雕盤未薦先流涎劇

憐脆質不耐久咒風急送明州船安得移家結埼畔日

日烹試厨娘便發風動氣不足畏坡語非實吾非顛

上已蕙牕招同城南看花歸飲松風江月草堂

步履江潭遠微波注濕銀襖游沿故事花態競餘春岸
煖魚吹絮風香蝶趁人非矜翳脚健晚晚惜靈辰
晴色在飛鳥江聲滿草堂買鄰詩作券避跡醉爲鄉野
水還通篋新藤欲過牆杜門人事絕百慮遣清觴

湖上送郭頻伽

歸魏塘

湖上花飛倒玉尊魏塘西去近黃昏攜琴坐聽瀟瀟雨
一路乘陰直到門

迎梅送梅曲

并序

蒼青蒨綠省田舍之家風幙煖簾寒話江南之

天氣若乃棟花紫卸梅子黃催灑乎其風酸然
而雨靈之來兮裔裔聲不絕以浪浪山如中酒
之人雲似忘歸之客泊乎潤收礎汗黥拭衣痕
已喜逢庚無勞禁丙但聞蜘蛛應無沒狗之愁
便請蝦蟇別有分龍之說夫易擲者光陰不愆
者氣候今雨來而舊雨去百感催人清酒聖而
濁酒賢一杯勸爾莫認武林舊事是新標朋社
之題儘收委巷叢談要翻盡神弦之調

四月麥黃五月梅黃新蠶入簇雨氣涼

俗有蠶黃梅之說

逢王

非遲逢丙非早有水飲牛莫懊惱

碎金集逢王入梅神樞經逢丙入梅又崔

實農家諺云雨打東畦樹麻西畦樹穀蓑衣蓑帽堆滿
梅頭無水飲牛吳下田家志黃梅三時纔其來其來雨有足

屋出門蓑衣蓑帽必隨身

朝聞濛濛暮聞淋浪冬青花開覆短牆農家諺冬青花已開黃梅雨不

來不愁綠繡鎌衣長海東舶趙沸狂吹炎官將來雨官

避牛跡分開不同地今日何日吉日庚俗謂逢庚出梅雷公打

鼓來送行小暑更祝雷收聲諺云小暑一聲雷倒轉作黃梅打鼓送梅亦諺語

繩橋行并序

灌口繩橋見吳船錄及坡公詩不知廢于何代
夏秋怒漲從白沙渡者輒患覆溺先太守府君
權知灌縣捐貲爲倡度地而重建焉橋成之日

遠邇爭趨更生有慶蓋嘉慶甲子歲事也書農
薌泉蕙聰小米飲小羅浮山館酒酣以往偶述
斯事遂皆爲詩以歎美之敬賦七言一章殿其
後云

風雷黼扇萬爐鐵伏牛連柱堅不折岷江湧洞出離堆
百杙千絙兩厓掣後來無人捐腰犀江上不見橫空覓
築家晾帛漁曬網蘇詩范錄空追想歲在甲子新橋成
朱旗青蓋官前行千人萬人踵相接康莊穩步無欹傾
千金一壺不須買冉駝西達無危程一時喜氣似雷動
笑聲壓住風濤聲風濤駕天溺鬼少饑不得食僵蛟鯨

坐客聞此動感喟亟浮大白春醪清長歌浩浩讀遺集
墨灑蠻江春漲濕先府君集中有灌口繩橋詩世事興廢不可量吾
民疾苦誰所急吁嗟乎兒時追憶卅載過元髮易編鐵
易磨西望奈爾繩橋何

西湖觀漲

昔游沅湘江河淮怒濤罨岸鳴顛雷前年入海尋蓬萊
醉眼卻向樽桑開雄鯨噴浪洗星斗水底倒插金銀臺
歸來湖上一舒眺翻笑窄窄才如杯今年雪足雨更足
湖流直抵諸山麓汪家樓子對南屏時與仲甫偕宿水北樓捲簾
不覺粘天綠蒼鷺啼罷蒼鳩啼朝雨暮雨雲而霓白鷗

自喜境界濶拍拍打碎青琉璃近日官司方請霽霽後
清遊應早計滿船明月泊湖心四顧空明更無際

洪武船符歌

并序

符用黃錦織成高九寸長尺八寸雲龍爲闌前
織皇帝聖旨公差人員經過駙分持此符驗方
許應付船隻如無此符擅便給駙各官吏不行
執法循情應付者俱各治以重罪宜令準此中
織一船張帆而行後繼洪武二十六年月日上
蓋制誥之寶其傍墨書信字貳伯叁拾玖號按
大明會典洪武二十六年定凡在內公差係軍

情重務及奉旨差遣給駟者赴內府關領符驗其給發各王府及各省都司布政司有十道六道五道不等如有軍務以多槳快船飛報自嘉靖三十七年改設內外勘合符驗遂不復用明史輿服志言其制上織船馬之狀起馬者用馬字號起船者用水字號起雙馬達字號起單馬通字號起站船信字號則此爲起站船符驗也

今爲湯雨生

貽汾

所藏

洪武御極聲靈盛二十六年符制定聖旨不用羊皮書澤國爭將龍節迎駟所官兼輯濯丞武庫掌同符節令

持符使者日夜過戕舸大艚遮江河稱名已識如風快
飛押仍誇使槳多有符給船無則否應付循情罪必糾
亦知繡衣恃氣力別定丹書示遵守單船到郡古有人
狹舫漏雨還延賓私奴具裝不須此縣令挽繆誰當瞋
此時未有此關券豈其束縛同濕薪胡爲上下不諂瀆
克以廉惠休其民乃知風厲自有道區區尺素何足陳
不然庖饌及稠帳逮下應思主恩曠尙有鞭笞厄倒懸
事見史空勞勘合頒新樣君不見大旗勿勿馳檣竿樂府
新翻唱捉船朝廷自昔多良法小吏何人抗達官

西湖銷夏詩

湖水侵扉少客過
時前梅後雨如麻
蟬聲何處曳殘磬
斷柳一枝橫老桮

芙蓉的的畫船邊
有約看花破曉眠
涼露未收星漸落
我來常占白鷗先

重堤烟暝歇漁榔
雲罅橫飛電有光
山外不知何處雨
滿樓風比昨宵涼

燈下溪僧一紙書
追涼招我藕香居
花瓷綠雪湯初沸
道是金盤露不如

歲歉感懷八首

吳楚傷心雨江湖極目波
逢人聞太息卒歲更如何
積

漲龜魚喜寒原鴻雁多方知飽粗糲未可動悲歌

井竈依稀在妻孥轉徙遙人生賤於草米價長如潮良

吏憐糠餅空田少麥苗微聞兩黃鵠新唱復陂謠

三郡悲秋潦

吾浙杭嘉湖被水最甚

京坻始願違兒噉寒具小市

怪醉人稀輸粟方求糴餐藜且忍饑寄言僵臥好去此

欲何依

蕭瑟茗溪上驚危狴戶餘已寬沈命法願讀活民書呼

籲情原迫倉皇計亦疏仰懷虞內史私米恤窮閭

豈用封椿積惟憂郡國荒況通西極馬早射北星狼使

節巡行遠

時

訪察淮揚災區

命使臣

置臣賑卹詳古來無旱潦何

以見

堯湯

比者巡孤寡通窮義尙存登筵鄉衮重掌籍縣胥尊怵
惕非要譽艱難易見恩杜陵餘恨在酒肉臭朱門
聞道租船少其如符牒何由來關轉漕未敢拙催科雀
鼠誇奇飽冰霜入浩歌連檣鐵鹿子幾日向江河
結廬深巷裏老樹下飢烏村社頻經過炊烟定有無力
微心可盡事急論休迂卜歲差堪慰翻空雪片粗

江上看紅葉分韻得深字

江上蕭蕭夕照沈誰將繡段裏秋林一春無此樹色豔

三日不來霜意深寒帶斷霞飛極浦遠連殘燒閃層陰
衰紅暫借酡顏映搖落年來感不禁

春木自大梁歸松江明歲仍須北去書來相告以
詩答之

厭從蒿少踏風烟便買吳江赤馬船貧士得歸無久計
逋租難了又荒年衰門各有撐持苦閒福誰能嘯咏便
卻羨慈親猶健在屠蘇春獻北堂前

九月十三日次姪春熊以療疾亡悲咤無聊久廢
筆硯忽忽又百日矣比鄰祭竈爆竹如雷獨吾
家無復往時度歲之樂爲詩四章以志予痛卽

示大姪春燾

木落不再榮波流不少住爾今在何所慘慘歲將除去
年酌屠蘇風雪釋寒沍歲事解料量瑣屑到杯箸謂復
三數年已可支門戶豈知事叵測意料竟成誤西家桃
板新東鄰枳盆具獨此老屋中悲烏叫寒樹

爾來登州時急霰穿戶牖繼復從之沂風吹琅邪柳大
母苦相憶膏輪乃南走明年籍縣庠白髮笑開口哀哉
天不弔降凶失吾母麻衣淚未乾又哭汝不壽淒淒俯
仰間積禍伊我咎昔時含飴樂笑語今何有不知重泉
下得復相見否庶幾來告予魂夢待汝久

自我星奔歸百憂而一喜喜爾已娶婦娶婦復生子
生未一年奈何爾遽死爾頗美詞翰爾頗溺經史吾年
嗟始衰厚望方屬爾如何拭老眼顛倒哭韶齒呱呱忽
悲啼襁褓不忍視

伯兄亡十年遺經兩兒守青熒共燈火門內有良友病
亟起自言鞠育負父母纏綿愛兄意宛轉執余手謂幸
免譙訶兄過亦時有古賢戒卞急敗事恐十九日月食
何傷存悔乃无咎兄聞哭失聲吾亦感歎久爾言其然
歟此習胡可狃爾言非然歟此意胡可負

西域石詩

有引

識石亦粗劣不測何用徐星伯松戍西域歸攜
以贈陳扶雅善陳出示客漫爲此詩

陳子有一石萬里出裹緘碧胎崑雲小黑漬齟齬
質外磊砢詭製中雕鑱將毋戒殺蠶鍬石女手摻抑爲
祀鄂博刀劓神所監昔者梵佉盧造作光藏函此其苗

裔歟字母求華嚴今者黃衣僧野性馴磨磨們罕

番僧通經

者與曲擘

典司法事者

唄誦聲詰誦而我不識字天資愧庸凡

欲讀舌苦擗若馬重兩銜子胡什襲藏視等琮與瑊自
緣歐趙癖食古濡飢饒岐枝蔓字苑不忍從夷芟吾聞

西出師妖雲埽檣櫓簫鐃入關門厥聲和英咸請佩玉
櫺具請裁兩當衫陷河帆旋環鳴沙梯空嵌勒銘輝鴻
伐光芒吐秋龜大書深刻之蔥嶺青巉巉

時略什噶爾方奏凱

仇浣渠

蘭

罷官西粵久而不能歸詩以訊之

江上生秋水征帆尙不歸嶺猿啼日夜知汝淚沾衣

小米重刊咸淳臨安志成

小山

趙氏

空寂寞繡谷

吳氏

亦荒涼未作流傳計空勞什襲

藏文繁三志最

宋志今有乾道淳佑咸淳三本而咸淳志卷帙最多

功耗一年強

欲問南都舊宮苔冷夕陽

十載咸淳事偏安局已闌才人翻叛亂故紙尙叢殘夜

鼓蝦蟇促秋堂蟋蟀寒當年進行在把作汴州看

搜求思補闕得似厲丁無

志闕五卷僅九十五卷樊榭龍泓兩先生終身求之不獲

古槩如重見幽魂不可呼引衾思誤字埽壁待新圖拓若

皇城諸圖可以張壁

亟爲酬江夏家錢買百壺

重刊之役燕泉實左右之

花宜館詩鈔卷之六終